

Accesibilidade web

O Real Decreto 1494/2007, de 12 de novembro, polo que se aproba o Reglamento sobre as condicións básicas para o acceso das persoas con diversidade funcional ás tecnoloxías, produtos e servizos relacionados coa sociedade da información e medios de comunicación social, (BOE, 21 de novembro de 2007) establece que as informacions e servizos web acadan os estándares de accesibilidade acordados pola “World Wide Web Consortium” (W3C), a través do seu grupo de traballo “Web Accessibility Initiative” (WAI).

Esta norma é de obrigado cumprimento para todos os organismos e administracións públicas así como para todos os sostidos con fondos públicos, subliñándose ademais, que son de especial preferencia, os relativos á Educación, Saúde e Servizos sociais.

A Administración Pública aínda está lonxe deste requirimento, e con ela, tamén o están os sitios, servizos e contidos web, tanto dos centros docentes, como da maior parte da comunidade educativa. Urxe polo tanto afrontar un traballo de divulgación, potenciación, axuda e asesoramento para inverter esta situación; servizo no que TADEGa aporta esforzo e colaboración profesional plena.



Para saber máis

Sitio web

www.tadega.net

Premio EGANET 2007 á mellor web en tecnoloxía accesible.

Enderezo electrónico

Contactar@tadega.net

Enderezo postal

Asociación TADEGa
R/ Caballeros, 25 – 5º Dta.
15009 A CORUÑA

Presentación

TADEGa (Tecnoloxías de Atención á Diversidade na Educación Galega) é unha asociación sen ánimo de lucro integrada maioritariamente por profesionais da educación galega que se centran na “atención á diversidade” (é dicir: a diversidade funcional, a 3ª idade, a multiculturalidade, o rural, as altas capacidades, a marxinalidade social, etc.)

A irrupción das TIC na sociedade xera unha “fenda dixital”: nin todas e todos teñen acceso, nin parten coas mesmas oportunidades para aproveitálas.

Por elo creemos:

- ✓ Que inserir as TIC na aula é o primeiro para a súa correcta vertebración no tecido social galego.
- ✓ Que o profesorado precisa dunha rede TIC que o vincule e axude a construír baixo colaboración procesos educativos de calidade.
- ✓ Que a inserción das TIC é máis prioritaria na atención á diversidade, pola fraxilidade destes colectivos, e polo retraso que acumulan.
- ✓ Que a accesibilidade das TIC é vital como base primaria para que os sectores máis febles (por impedimentos tecnolóxicos, de idade, de illamento social, xeográfico, ou de discapacidade) podan acceder a todos os contidos, servizos e oportunidades como o resto da cidadanía.

O noso compromiso

Centrámonos en que a realidade educativa galega aproveite ao máximo as oportunidades que as TIC ofrecen dando preferencia sempre á Atención á Diversidade.

Como asociación independente, valoramos a nosa liberdade de opinión e actuación e, polo tanto, a nosa disparidade de procedencias e de formas de ser: cremos que tanto más diferentes e plurais sexamos, mellores resultados acadaremos.

Aínda que o noso ámbito é a comunidade autónoma galega, prestamos atención a toda proposta de interese para o logro dos obxectivos da asociación.

Entendemos as TIC como unha ferramenta máis do noso traballo á que debemos prestar especial atención xa que estamos ante novas oportunidades con actuacións, dentro e fóra da aula, que deben revertir os seus froitos nos procesos eductivos.

Creamos que a dificultade non está na destreza coa ferramenta, máis ben, na complexidade para integrala nos currículos, nos espazos físicos, ou nos tempos e ritmos de aprendizaxe, de tal xeito que forme parte integral do plan de centro (ou o seu equivalente na institución que o acolle e dá soporte).



Obxectivos

Destacamos 3 obxectivos sobre os que se fundamenta o noso traballo:

- ✓ A inserción e o aproveitamento das TIC no ensino galego e, con especial esmero, ali onde se prestan servizos de Atención á Diversidade.
- ✓ Investigar, fomentar, compartir, debater, deseñar, adaptar e propor as ferramentas, as maneiras, e os métodos para obter o mellor proveito da tecnoloxía dixital e a súa inmersión nas aulas.
- ✓ Derrubar con urgencia os factores que contribúen hoxe á fenda dixital, con especial incidencia na accesibilidade web como “prima facie” das desigualdades que frean o desenvolvemento das persoas con diversidade funcional.

Os nosos proxectos

Ser un foro de referencia para a reflexión, intercambio de experiencias e investigación sobre o uso e aproveitamento das TIC na Atención á Diversidade, especialmente na Educación Galega.

Apoiar e traballar pola inclusión plena das persoas con diversidade funcional baixo o seu dereito á autonomía persoal.

Organizar, colaborar e desenvolver: seminarios, cursos, xornadas, encontros e congresos sobre temas especializados referidos ao uso das TIC na atención á diversidade coa participación de usuarias e usuarios, familias, profesorado, etc.

Promover as liñas de investigación, uso e aproveitamento das TIC na Atención á Diversidade.

Divulgar, asesorar e dar a coñecer os estudos, conclusións, métodos, tecnoloxías de apoio, estratexias e sistemas de comunicación aumentativa e alternativa; orientando e asesorando na súa implementación.

Establecer convenios de colaboración con asociacións, administracións e entidades públicas ou privadas cara ao logro dos obxectivos da asociación.

Elaborar, promover e publicar materiais divulgativos da inclusión e das ferramentas que a favorezan.

Recompilar e avaliar materiais tecnolóxicos de uso na Atención á Diversidade así como as noticias de interese, para a súa divulgación e mellora.